



Broj: 05.03/2-19-4827/26
Sarajevo, ____ .09.2026. god.

N A C R T

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, rješavajući po zahtjevu pravnog lica „Atlantic Argeta“ d.o.o. Sarajevo, ul. Patriotske lige 73, Hadžići za izdavanje okolinske dozvole za postojeću tvornicu za proizvodnju, preradu i konzerviranje mesa peradi i ribe u industrijskoj zoni Binježevo, a na osnovu člana 24., člana 83. i člana 89. Zakona o zaštiti okoliša ("Službene novine Federacije BiH", broj 15/21), člana 4. stav (2) Uredbe kojom se utvrđuju pogoni i postrojenja koja moraju imati okolinsku dozvolu ("Službene novine Federacije BiH", br. 51/21 i 74/22) i člana 200. Zakona o upravnom postupku („Službene novine Federacije BiH“, br. 2/98, 48/99 i 61/22), d o n o s i

R J E Š E N J E

1. Daje se obnovljena okolinska dozvola pravnom licu „Atlantic Argeta“ d.o.o. Sarajevo, ul. Patriotske lige 73, Hadžići za postojeću tvornicu za proizvodnju, preradu i konzerviranje mesa peradi i ribe, instaliranog godišnjeg kapaciteta proizvodnje 81,6 t/dan, a koja se nalazi na zemljištu označenom kao k.č. broj 910/3 K.O. Binježevo i k.č. broj 10/3 K.O. Donji Hadžići, u ul. Patriotske lige 73, Općina Hadžići.

2. Opis lokacije i tehnološkog procesa

Objekt se nalazi unutar industrijske zone Binježevo, na lokaciji Merđanić polje. Sa sjeverne strane lokacija graniči sa rijekom Zujevinom, iza koje se nalazi magistralni put M-17 (Sarajevo-Mostar). Sa zapadne strane tvorničkog kruga nalazi se industrijska zona. Južna strana je omeđena pristupnom saobraćajnicom, koja dalje vodi za Binježevo.

U sklopu kompleksa smještene su osnovne proizvodne i tehnološke cjeline namijenjene programu „sterilizirane konzerve“, koje uključuju:

- liniju za prijem, kontrolu i skladištenje sirovina (hladnjače za duboko smrznuto meso i ribu te visokoregalno skladište za suhe sastojke);
- liniju za pripremu i termičku obradu (kuhanje) sirovina;
- liniju za separiranje mesa (mehaničko odvajanje mesa od kostiju);
- liniju za izradu pašetne mase, punjenje i zatvaranje konzervi;

- sistem autoklava za sterilizaciju i hlađenje gotovih proizvoda;
- liniju za sušenje, označavanje, pakiranje i paletizaciju.

Prostor je funkcionalno organizovan tako da su „čiste“ i „nečiste“ zone fizički podijeljene, s posebnim naglaskom na prostor za pripremu mesnih sirovina gdje vanjski dio služi za raspakiranje, a unutrašnji predstavlja prijelaz u čisto područje proizvodnje. Manipulacija gotovim proizvodima i sirovinama vrši se preko sistema visokoregalnog skladišta (VRS) i automatizovanih transportnih traka koje povezuju etaže pogona.

U sklopu kompleksa nalaze se slijedeći objekti i sistemi koji obuhvataju:

- Objekat za proizvodnju paštete 120 (proizvodno-tehnološki objekt);
- Objekt sa uređajem za pročišćavanje otpadnih voda i za kafilerijske otpatke;
- Poslovno-tehnološki objekt (uprava, kancelarije);
- Objekt za rezervni program;
- Visokoregalno skladište (VRS);
- Prostorije za komisiono skladište, preuzimanje i otpremu;
- Portirnica;
- Energetski objekt s kotlovnicom u kojoj su instalirana dva kotla ukupne snage 5,2 MW, a koji kao primarni energent koriste zemni plin, dok se lako lož ulje (LUEL) koristi kao alternativa;
- Skladište tehničkih plinova i sprinkler stanicu za protupožarnu zaštitu.

Na lokaciji su jasno definisane zone za privremeno skladištenje otpada (tzv. ekološki otoci za ambalažni otpad te osigurana prostorija za opasni otpad), kao i zone za manipulaciju sirovinama. Pristup dostavnim i servisnim vozilima osiguran je putem internih saobraćajnica, a krug tvornice opremljen je sistemom separatora ulja i masti na ispustima oborinskih voda.

3. Upotreba vode, električne energije, osnovnih i pomoćnih sirovina

Tvornica se snabdijeva vodom sa gradske vodovodne mreže, kojom upravlja JKP “Komunalac” d.o.o. Hadžići. Ukupna potrošnja vode u 2025. godini iznosila je 52.643 m³. Utrošak električne energije za 2025. godinu iznosio je 10.297.352 kWh, a zemnog gasa 77.634 Sm³. Utrošak lakog lož ulja je bio 3,74 t.

Mesne sirovine (kokoške meso, kokošja jetra, pureće meso, meso ribe) dobavljaju se isključivo u duboko smrznutom stanju (blokovi po 15-20 kg složeni na palete od 750-1200 kg), a skladište se u hladnjači. Ostale sirovine (so, sojino brašno, škrobovi, kazeinati, začini, ekstrakti itd.) se skladište u visokoregalnom skladištu (VRS). Biljno ulje se skladišti u rezervoarima za ulje, koji se nalaze neposredno pored pogona.

Pomoćni materijali su: kartonska ambalaža, ljepilo za kartonsku ambalažu, aluminijske doze i poklopci, tinta za označavanje serije i datuma na ambalaži, drvene palete i streč folija.

4. Izvori emisija postrojenja u okoliš

4.1. Emisije zagađujućih materija u zrak

Potencijalne emisije u zrak su moguće iz slijedećih izvora:



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-086, Fax: + 387 (0) 33 562-177
 Web: <http://mkipgo.ks.gov.ba>,
 E-mail: mkipgo@mkipgo.ks.gov.ba

- tehnološkog procesa,
- procesa sagorijevanja u kotlovnici i
- transporta na lokaciji.

Emisije u zrak iz procesa proizvodnje odvođe se sistemom za ventilaciju iznad krova proizvodne hale i ispuštaju u atmosferu pomoću četiri cijevi. Sistem ventilacije obezbijuje podpritisak u hali, tako da ove emisije ne mogu biti emitovane kroz druge otvore.

U kotlovnici su instalirana dva VIESSMAN kotla tipa VITOMAX 200-HS ukupne instalirane snage 5,2 MW (2x2,60 MW). Na kotlovima su ugrađeni kombinovani gorionici WEISHAUPT tipa RGL 50/1-B. Imajući u vidu prirodni gas koji koristi kotlovsko postrojenje, najznačajnija zagađujuća materija odnosi se na jedinjenja NO_x, dok emisije SO₂ i čvrstih čestica kod sagorijevanja prirodnog plina, praktično nema, osim kada se koristi alternativno gorivo. Godišnje vrijednosti emisije zagađujućih materija (NO_x) prevashodno zavise od količine potrošenog goriva odnosno od stvarnih klimatskih prilika. Odvod dimnih gasova se vrši putem metalnog dimnjaka svjetlog promjera 650 mm i visine 14 m.

U izvještaju o mjerenju emisije zagađujućih materija u zrak od 17.03.2025. godine izrađen od strane „Inspekt RGH“ d.o.o. Sarajevo dati su rezultati mjerenja te su predstavljeni u slijedećim tabelama:

Parametri mjerenja	Rezultati mjerenja [mg/m ³ _n] za energent zemni gas svedeni na referentni kisik 3%	Granične vrijednosti [mg/m ³ _n]
	kotao 1/kotao 2	
NO _x	67,61/59,53	125
CO	14,58/16,0	80
SO ₂	3,2/3,75	-

Parametri mjerenja	Rezultati mjerenja [mg/m ³ _n] za energent LUEL svedeni na referentni kisik 3%	Granične vrijednosti [mg/m ³ _n]
	kotao 1/kotao 2	
NO _x	78,74/73,68	180
CO	22,44/21,89	80
SO ₂	30,17/29,77	850

4.2. Emisije u vode

Na predmetnoj lokaciji nastaju tehnološke otpadne vode, oborinske otpadne vode sa internih saobraćajnica i manipulativnih površina onečišćene suspendovanim materijama i naftnim derivatima, oborinske vode sa krovova objekata i fekalne vode. Sanitarno fekalne vode se posebnim cjevovodom spajaju na gradsku kanalizaciju, dok se tehnološko otpadne vode odvođe prvo na tretman u prečišćivač otpadnih voda, pa tek onda ispušta u gradsku kanalizaciju.

Monitoring kvaliteta i kvantiteta otpadnih voda vrši ovlaštena laboratorija firme "Inspekt-RGH" d.o.o. Sarajevo. Na mjernom mjestu E₁ (tehnološke vode) tokom 2025. godine uzorkovanje je vršeno osam puta. Na mjernim mjestima E₂ i E₃ (separatori) ispitivanje se vrši dva puta godišnje. Ispitivanjem

kvaliteta i kvantiteta otpadnih voda zaključuje se da izmjereni parametri na mjernom mjestu E1 ne zadovoljavaju granične vrijednosti otpadnih voda koje se ispuštaju u sistem javne kanalizacije.

Pogon „Argeta Atlantic“ d.o.o. Sarajevo ima ishodovanu vodnu dozvolu Ministarstva privrede Kantona Sarajevo (broj 07-05-21-5870/22 od 01.09.2022. godine) sa rokom važenja od 5 godina.

Prema Zaključku „Agencije za vodno područje rijeke Save“ Sarajevo (UP-I/25-3-40-166-4/18 od 07.06.2018.) za predmetni pogon nema aktivnosti za koje je propisano izdavanje posebnih vodnih akata od strane Agencije.

Ispuštanje sanitarno-fekalnih i tehnoloških otpadnih voda vrši se u javnu kanalizacionu mrežu kojom upravlja JKP "Komunalac" d.o.o. Hadžići prema saglasnosti za priključenje proizvodnog objekta, br. 1314/15 od 02.04.20215. godine izdato od strane JKP "Komunalac" d.o.o. Hadžići, a u skladu sa Uredbom o opštim uslovima za snabdijevanje vodom za piće, obradu i odvodnju otpadnih i atmosferskih voda („Službene novine Kantona Sarajevo“, broj 22/16). Prema odredbama člana 28. Pravilnika o sadržaju, obliku, uslovima, načinu izdavanja i čuvanja vodnih akata "Službene novine Federacije BiH", broj 31/15, 55/19, 41/20 i 63/22) operator kanalizacionog sistema propisuje, između ostalog, i uslove predtretmana otpadnih voda, mjesto i način kontrole/mjerenja količine otpadne vode i količine zagađenja u otpadnoj vodi i obavezu obračunavanja vodne naknade.

4.3. Emisija buke

Pogon „Argeta Atlantic“ d.o.o. Sarajevo nalazi se u zoni VI - Industrijsko, skladišno, servisno područje bez stanova, te buka nema značajniji uticaj na okoliš. Izvori buke potiču od rada transportnih jedinica unutar kruga, kotlovnice, kompresorske stanice i rashladnih uređaja. Izvor buke na predmetnoj lokaciji je i magistralni put Sarajevo – Mostar.

Izvori emisija buke nastaju na slijedećim mjestima:

- Rashladni uređaji i ulaz u proizvodnju,
- Manipulativne površine i transport,
- Unutrašnji krug firme i
- Kotlovnica.

Rezultati mjerenja emisije zagađujućih materija u zrak, na osnovu izvještaja, broj: 152-3/26 od 11.06.2026 . godine izrađen od strane firme „Inspekt RGH“ d.o.o. Sarajevo dati su u slijedećoj tabeli, a izmjerene vrijednosti ne prelaze maksimalne dopuštene vrijednosti propisane Zakonom o zaštiti od buke („Službene novine Kantona Sarajevo“, broj 23/16).

Oznaka mjernog mjesta	Izmjereni nivo buke dB(A) – dan		Izmjereni nivo buke dB(A) – noć		Granične vrijednosti (zona VI) dB(A)		
	L_{eq}	L_1	L_{eq}	L_1	L_{eq} – dan	L_{eq} – noć	L_1
MM ₁	61,7	66,0	60,5	65,2	70	70	85
MM ₂	57,3	63,1	53,1	59,6	70	70	85
MM ₃	56,0	61,7	57,9	63,7	70	70	85
MM ₄	62,4	68,3	59,7	64,2	70	70	85

MM₁ – prema izvoru buke od rashladnih uređaja i ulaza u proizvodnju

MM₂ – u blizini upravne zgrade prema najbližim stambenim jedinicama

MM₃ – u krugu firme prema najbližim stambenim jedinicama

MM₄ – prema izvoru buke iz kotlovnice, a prema najbližim stambenim jedinicama

4.4. Stvaranje otpada

Otpadnim materijama se upravlja prema „Planu upravljanja otpadom” u skladu sa važećom zakonskom regulativom iz predmetne oblasti. Sve količine nastalog otpada se selektiraju prema Pravilniku o kategorijama otpada sa listama („Službene novine Federacije BiH“, broj 09/05) i odlazu na privremeno odlagalište do momenta predaje na daljnje zbrinjavanje ovlaštenim subjektima.

Operater ima sklopljene ugovore za preuzimanje svih nastalih vrsta otpada sa ovlaštenim firmama. Količine pojedinih vrsta otpada koje mogu nastati na godišnjem nivou, zavise od učestalosti nastajanja iz određenog dijela procesa proizvodnje. Godišnje količine nastale u 2025. godini date su u slijedećoj tabeli:

Šifra	Skupina/Naziv otpada	Procijenjene količine otpada
02	Otpad iz poljoprivrede, vrtlarstva, proizvodnje vodenih kultura, šumarstva, lova i ribarstva, pripremanja hrane i prerade	
02 02	Otpad od pripremanja i prerade mesa, ribe i drugih namirnica životinjskog porijekla	
02 02 02	Otpadno životinjsko tkivo	767,42 t/god
02 02 03	Materijali neprikladni za potrošnju (Ostaci sirovina i polugotovih proizvoda)	90,78 t/god
02 02 04	Muljevi od obrade efluenta na mjestu njihova nastanka	578,00 t/god
13	Otpadna tečna goriva i ulja (osim jestivih ulja i ulja iz poglavlja 05, 12 i 19)	
13 02	Otpadna ulja za motore, pogonske uređaje i podmazivanje	
13 02 05*	Nehlorirana ulja za motore, pogonske uređaje i podmazivanje na bazi minerala	0,02 t/god
13 08	Zauljeni otpad koji nije specificiran na drugi način	
13 08 99*	Otpad koji nije na drugi način specificiran	0,00 t/god
15	Otpadna ambalaža, apsorbenzi, materijali za upijanje, filterski materijali i zaštitna odjeća koja nije specificirana na drugi način	
15 01	Ambalaža (uključujući odvojeno skupljani komunalni ambalažni otpad)	
15 01 01	Ambalaža od papira i kartona	59,04 t/god
15 01 02	Ambalaža od plastike	13,68 t/god
15 01 03	Ambalaža od drveta	57,30 t/god
15 01 04	Ambalaža od metala	Količ. nije evidentirana
15 01 10*	Ambalaža koja sadrži ostatke opasnih tvari	0,062 t/god
15 02	Apsorbensi, filterski materijali, materijali za upijanje i zaštitna odjeća	
15 02 02*	Apsorbensi, filterski materijali (uključujući filtere za ulja koji nisu na drugi način specificirani), materijali za upijanje i zaštitna odjeća onečišćena opasnim materijama	0,00 t/god
16	Otpad koji nije drugdje specificiran u katalogu	
16 05	Gasovi u posudama pod pritiskom i odbačene hemikalije	
16 05 06*	Laboratorijske hemikalije koje se sastoje ili koje sadrže opasne materije, uključujući mješavine laboratorijskih hemikalija	0,010 t/god

16 06	Baterije i akumulatori	
16 06 01*	Olovne baterije	0,00 t/god
19	Otpad iz postrojenja za upravljanje otpadom, postrojenja za prečišćavanje gradskih otpadnih voda i pripremu vode za piće i industrijsku upotrebu	
19 09	Otpad od pripreme vode za piće ili vode za industrijsku upotrebu	
19 09 05	Zasićene ili istrošene smole ionskih izmjenjivača	0,90 t/god
20	Komunalni otpad (otpad iz domaćinstava i slični otpad iz industrijskih i zanatskih pogona i iz ustanova, uključujući odvojeno prikupljene sastojke)	
20 01	Odvojeno skupljeni sastojci (osim 15 01)	
20 01 21*	Fluorescentne cijevi i ostali otpad koji sadrži živu	0,319 t/god
20 01 35*	Odbačena električna i elektronska oprema koja nije navedena pod 20 01 21 i 20 01 23 koja sadrži opasne komponente	0,010 t/god
20 03	Ostali komunalni otpad	
20 03 01	Miješani komunalni otpad	128,18 t/god

* opasni otpad

Otpad se prikuplja i identificira u skladu s Pravilnikom o kategorijama otpada s listama te se predaje sljedećim ovlaštenim operaterima:

- KJKP „RAD“ d.o.o. Sarajevo – za zbrinjavanje miješanog komunalnog otpada i dijela čvrstog organskog otpada na gradsku deponiju;
- Gold MG d.o.o. Donji Žabar – za energetske upotrebu čvrstog organskog otpada (mljevene kosti) u bioplinskom postrojenju;
- Kemeko-BH d.o.o. Lukavac – za sakupljanje i zbrinjavanje svih vrsta opasnog otpada (ulja, ambalaža, kemikalije, neonke);
- EKO-FORMA d.o.o. Bugojno / Aida Commerce d.o.o. Sarajevo / Zizi d.o.o. Travnik – za preuzimanje i reciklažu selektiranih sirovina (papir, karton, najlon, metal, drvo);
- Delta Petrol d.o.o. Kakanj – za čišćenje separatora i zbrinjavanje tekućeg organskog otpada (flotat) te muljeva s prečišćavača;
- Eko-forma d.o.o. Sarajevo – operater sistema za upravljanje ambalažom i ambalažnim otpadom.

5. Okolinska dozvola izdaje se uz sljedeće uslove i poduzete mjere

5.1. Opće mjere

U svrhu kompletne zaštite okoliša od štetnih uticaja djelatnosti koje se obavljaju u postrojenju, operator je obavezan osigurati da pogoni i postrojenje funkcionišu na način da se ispoštuju sve odredbe iz čl. 84. Zakona o zaštiti okoliša („Službene novine Federacije BiH”, br.15/21).

5.2. Mjere održavanja i upravljanja radom objekta vezane za zaštitu okoliša

U cilju adekvatnog održavanja i upravljanja radom pogona, kao i samog unapređenja potrebno je provesti program koji će obuhvatati tri ključna stuba:

- modernizaciju tretmana otpadnih voda,
- preusmjeravanje organskog otpada na energetske upotrebu i
- sistemsku energetske optimizaciju svih dijelova pogona.



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-086, Fax: + 387 (0) 33 562-177
 Web: <http://mkipgo.ks.gov.ba>,
 E-mail: mkipgo@mkipgo.ks.gov.ba

Vršiti nadzor nad provođenjem obaveza iz okolinske dozvole od strane odgovornog uposlenika. Odgovorni uposlenik je dužan da prati promjenu propisa koji se odnose na definisane mjere za smanjivanje negativnih uticaja na okoliš, granične vrijednosti emisija i monitoring, a koji su propisani ovim rješenjem.

5.3. Mjere smanjenja emisija u zrak

- Optimizacija rada kotlovskog postrojenja i sistema za izgaranje;
- Tehnička mjera redovnog finog podešavanja plamenika na kotlovima K1 i K2 uz primjenu automatizovanog nadzora omjera goriva i zraka - kontinuirano;
- Redovno održavati i čistiti kotlove i dimne kanale putem ovlaštene firme – stalna mjera;
- Obavezno vršiti provjeru dimnjaka i dovod zraka za sagorijevanje jednom godišnje – stalna mjera;
- Kontinuirano praćenje i mjerenje procesnih parametara (temperatura, vlaga, udio O₂, pritisak i protok) i periodično mjerenje emisije (CO, NO_x i SO₂) iz kotlova u skladu sa standardima za mjerenje koji osiguravaju relevantne podatke;
- Redovni servis cijelog sistema - stalna mjera;
- Postupati u skladu sa odredbama Odluke o zaštiti i poboljšanju kvaliteta zraka u Kantonu Sarajevo ("Službene novine Kantona Sarajevo", br. 23/16) i važećeg Plana interventnih mjera u slučajevima prekomjerne zagađenosti zraka u Kantonu Sarajevo.

5.4. Mjere smanjenja negativnog uticaja na vode i tlo

- Nadogradnja i modernizacija uređaja za pročišćavanje tehnoloških otpadnih voda – tehnička mjera koja uključuje ugradnju novog uređaja za pročišćavanje i optimizaciju procesa neutralizacije – rok do kraja 2026. godine;
- Preventivno održavanje sistema separatora i odvodnje – organizacijska mjera koja uključuje strogi plan čišćenja uljnih separatora i kontrolu integriteta cjevovoda – kontinuirano;
- U javni kanalizacioni sistem može se ispuštati samo otpadna voda čije vrijednosti štetnih materija su niže od onih propisanih u Uredbi o uslovima ispuštanja otpadnih voda u okoliš i sisteme javne kanalizacije ("Službene novine Federacije BiH", broj 26/20, 96/20 i 01/24), a sve prema važećoj vodnoj dozvoli Ministarstva privrede Kantona Sarajevo;
- Osigurati provođenje svih uslova iz saglasnosti za priključenje proizvodnog objekta na fekalnu kanalizacionu mrežu izdatu od Javnog komunalnog preduzeća "Komunalac" d.o.o. Hadžići broj: 1314/15 od 02.04.2015. godine.

5.5. Mjere smanjenja nivoa buke

- Vršiti redovno održavanje i tehničku kontrolu opreme – stalna mjera;
- Zatvaranje vrata proizvodnje tokom rada – stalna mjera;
- Brzinu kretanja vozila unutar proizvodnog pogona ograničiti do 40km/h – stalna mjera;
- Prilikom nabavke nove opreme voditi računa da to bude oprema „tihe izvedbe“;
- Emisije buke iz pogona je potrebno držati u dozvoljenim granicama propisanim Zakonom o zaštiti od buke KS („Službene novine Kantona Sarajevo”, br. 23/16).

5.6. Mjere za sprečavanje /minimiziranje nastanka otpada uz mjere upravljanja

- Upravlјati otpadom u skladu sa Planom upravlјanja otpadom, koji se ažurira najmanje jednom u pet godina, a po potrebi i češće;

- Unapređenje zbrinjavanja organskog nusproizvoda (KBO 02 02 02) – Strateška mjera kojom se dio čvrstog organskog otpada (mljevene kosti) preusmjerava s deponije na energetska upotrebu u pogonu bioplinske elektrane – u toku 2026. godine;
- Optimizacija interne separacije ambalažnog otpada na izvoru – Organizacijska mjera uvođenja dodatnih namjenskih "ekoloških otoka" u skladišnim i proizvodnim zonama uz primjenu vlastitih pres-kontejnera - kontinuirano;
- Modernizacija privremenog skladišta opasnog otpada – Tehnička mjera unapređenja prostora za skladištenje laboratorijskih kemikalija i nauljene ambalaže (sekundarni spremnici, jasna signalizacija) – kontinuirano;
- Minimizirati vrijeme skladištenja lako kvarljivih sirovina primjenom sistema zamjene „first in – first out“ – stalna aktivnost;
- Opasni otpad (staro motorno ulje, zauljene krpe i ambalažu) odlagati u posebno označene posude ili spremnike, te uz prateći list predati firmi za preuzimanje i dalje zbrinjavanje ove vrste otpada, shodno Pravilniku o uvjetima za prijenos obaveza upravljanja otpadom sa proizvođača i prodavača na operatera sistema za prikupljanje otpada ("Službene novine Federacije BiH", broj 9/05);
- Za svaki transport opasnog otpada obezbijediti transportnu dokumentaciju u skladu sa Uredbom o selektivnom prikupljanju, pakovanju i označavanju otpada ("Službene novine Federacije BiH", broj 38/06). Operator je dužan, da prilikom sklapanja ugovora sa firmom ovlaštenom za preuzimanje opasnog otpada, osigura, da ista dostavlja transportnu dokumentaciju o otpadu ovom Ministarstvu;
- Ugovori o preuzimanju i daljem zbrinjavanju svih vrsta otpada moraju biti sklopljeni samo sa ovlaštenim firmama shodno Pravilniku o uvjetima za prijenos obaveza upravljanja otpadom sa proizvođača i prodavača na operatera sistema za prikupljanje otpada ("Službene novine Federacije BiH", broj 9/05);
- Program edukacije zaposlenika o minimiziranju škarta – organizacijska mjera provođenja WP (Working Procedures) uputa za pravilno rukovanje sirovinama – kontinuirano;
- Čuvati dokumentaciju o urednom odlaganju svih vrsta otpada.

5.7. Mjere u slučaju akcidentnih situacija

- Redovno održavati opremu za zaštitu od požara od strane licencirane firme;
- Redovno kontrolisati pristupnost unutrašnjim i vanjskim hidrantima;
- U slučaju izbijanja požara postupati u skladu sa Elaboratom o zaštiti od požara izrađenog u skladu sa važećim propisima iz te oblasti;
- Osigurati adekvatno održavanje pogona i redovnu kontrolu rada tehničkih uređaja. U slučaju nesreća koje vode prekoračenju graničnih vrijednosti emisija, preduzeti sve sanacione mjere u cilju ponovnog uspostavljanja usklađenosti sa propisima. Ukoliko nesreća može da urozuokuje ozbiljnu prijetnju po okoliš ili po zdravlje ljudi, smanjiti ili privremeno obustaviti rad postrojenja.

5.8. Mjere nakon zatvaranja pogona

Ukoliko eventualno dođe do obustave i prestanka rada pogona i postrojenja na analiziranoj lokaciji koje posjeduje okolinsku dozvolu, operater je dužan da o tome obavijesti nadležno ministarstvo u pisanoj formi. Operater pogona i postrojenja ili stečajni upravnik obavještava nadležno ministarstvo

o pokrenutom stečajnom postupku i mogućnosti provođenja mjera i monitoringa navedenih u okolinskoj dozvoli.

Nakon što nadležno ministarstvo utvrdi da su ispunjeni uslovi o prestanku rada izdaje rješenje o prestanku važenja okolinske dozvole u skladu sa članom 96. Zakona o zaštiti okoliša, te će u skladu sa zakonom obavijestiti zainteresovanu javnost o donesenom Rješenju.

Sukladno odredbama člana 97. Zakona o zaštiti okoliša, rješenjem o prestanku važenja rješenja o okolinskoj dozvoli utvrđuje se obaveza i nosioc izvršenja mjera sanacije za pogon i postrojenje i lokaciju poslije prestanka aktivnosti, kako bi se izbjegao rizik po okoliš, zdravlje ljudi i materijalna dobra. Operater, odnosno direktor društva je odgovoran za provođenje navedenih mjera u skladu sa zakonskom regulativom.

6. Granične vrijednosti emisija

6.1. Granične vrijednosti nivoa buke u skladu sa Zakonom o zaštiti od buke („Službene novine Kantona Sarajevo”, br. 23/16)

Zona	Namjena područja	Najviše dozvoljeni nivoi vanjske buke (dB)		
		Ekvivalentni nivoi		Viši nivoi
		dan	noć	L1
I	Bolničko, lječilišno	45	40	60
II	Turističko, rekreacijsko, oporavišeno	50	40	65
III	Čisto stambeno, odgojno-obrazovne i zdravstvene institucije, javne zelene i rekreacione površine	55	45	70
IV	Trgovačko, poslovno-stambeno i stambeno uz saobraćajne koridore, skladišta bez teškog transporta	60	50	75
V	Poslovno, upravno, trgovačko, zanatsko, servisno komunalni servis	65	60	80
VI	Industrijsko, skladišno, servisno i saobraćajno područje bez stanova	70	70	85

6.2. Granične vrijednosti emisije supstanci i parametara kvaliteta za tehnološke otpadne vode u skladu sa odredbama Uredbe o uslovima ispuštanja otpadnih voda u okoliš i sustave javne kanalizacije („Službene novine Federacije BiH”, br. 26/20, 96/20 i 1/24)

Operater treba obezbijediti da se prikupljanje, tretman i ispuštanje otpadnih voda koje se proizvode u izgrađenim objektima vrši na način kako je to propisano u vodnoj dozvoli Ministarstva privrede Kantona Sarajevo, broj: 07-05-21-5870/22 od 01.09.2022. godine, a sve prema važećoj Uredbi o uslovima ispuštanja otpadnih voda u okoliš i sisteme javne kanalizacije (“Službene novine Federacije BiH”, broj 26/20, 96/20 i 01/24).

7. Monitoring

Osnovna namjena planiranog monitoringa stanja okoliša je sagledavanje efekata preventivnih i zaštitnih mjera i uvođenja neophodnih poboljšanja i ispravki.

7.1. Monitoring emisija u zrak

- Mjerenje emisija u zrak iz kotlovnice je potrebno vršiti jednom u godini dana, u skladu sa Zakonom o zaštiti zraka Federacije BiH („Službene novine Federacije BiH“, br. 33/03 i 4/10), Pravilnikom o monitoringu emisije zagađujućih materija u zrak („Službene novine Federacije BiH“, br. 9/14 i 97/17), Pravilnikom o graničnim vrijednostima emisije u zrak iz postrojenja za sagorijevanje („Službene novine Federacije BiH“, br. 3/13 i 92/17), te Odlukom o zaštiti i poboljšanju kvaliteta zraka u Kantonu Sarajevo („Službene novine Kantona Sarajevo“ broj 23/16). Parametri praćenja su: oksidi azota (NO_x) i ugljen monoksid CO kada se kao energent koristi zemni gas, a oksidi azota NO_x , ugljen monoksid CO, oksidi sumpora SO_2 i dimni broj kada se kao energent koristi ELLU.

7.2. Monitoring kvaliteta otpadnih voda

- Monitoring otpadnih voda vršiti u skladu s važećom vodnom dozvolom izdatom od Ministarstva privrede Kantona Sarajevo i uslovima iz saglasnosti za priključenje proizvodnog objekta na javnu kanalizacionu mrežu izdatu od Javnog komunalnog preduzeća „Komunalac“ d.o.o. Hadžići, broj: 1314/15 od 02.04.2015. godine.

7.3. Monitoring proizvodnje i nastanka otpada

- Voditi dnevnik u koji se upisuju podaci važni za rad tvornice. Sastavni dio dnevnika mora biti: dokumentacija o tehničko-tehnološkoj opremljenosti, količini utrošenih sirovina, količini utrošene vode i električne energije, podaci o poduzetim mjerama po zahtjevima iz okolinske dozvole i eventualno po zahtjevima inspekcije za zaštitu okoliša;
- Redovno voditi dnevnik o pražnjenju i odvoženju sadržaja taložnika i separatora;
- Vršiti monitoring otpada, te voditi evidenciju po vrsti i količini otpada. U evidenciju o monitoringu otpada unijeti naziv otpadnog materijala, količinu, datum ulaza i izlaza, te karakteristične primjedbe vezane za vrstu, količinu i prirodu otpada;
- Napraviti sumarni godišnji izvještaj o svim prethodno navedenim mjerama za monitoring proizvodnje i nastanka otpada.

8. Izvještavanje

Izvještaj o izvršenom mjerenju emisija u zrak, u propisanoj formi, dostaviti Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo. Forma Izvještaja i Uputstvo za popunjavanje dostupni su na web stranici Ministarstva, Centar za upravljanje kvalitetom zraka.

Izvještaji o ispitivanju i ocjeni kvaliteta tehnoloških otpadnih voda dostavljaju se „Agenciji za vodno područje rijeke Save“ Sarajevo.

Izvještaj o prikupljenim podacima vršiti na način kako je to propisano odredbama Pravilnika o registru zagađivača i zagađivanjima okoliša („Službene novine Federacije BiH“, br. 11/23). Izvještaji

trebaju biti dostavljeni nadležnom ministarstvu najkasnije do 30.03. tekuće godine za prethodnu godinu izvještavanja. Obaveza operatera je i izvještavanje o količinama produkovanog otpada prema Fondu za zaštitu okoliša u skladu sa Urebom o informacionom sistemu upravljanja otpadom („Službene novine Federacije BiH“, broj: 97/18).

Osim toga, Operator je dužan vršiti unos podataka u elektronski Registar o postrojenjima i zagađivanjima (BH PRTR), koji je uspostavilo Federalno ministarstvo okoliša i turizma u skladu sa odredbama Pravilnika o registru zagađivača i zagađivanjima okoliša („Službene novine Federacije BiH“, br. 11/23).

9. Period važenja i ostala prava i obaveze

Okolinska dozvola se izdaje na period od 5 (pet) godina od dana pravosnažnosti rješenja.

Operator je dužan, da 90 dana prije isteka ovog roka podnese zahtjev za obnovu okolinske dozvole.

U slučaju izmjene uslova pod kojima je dozvola izdata, Operator je dužan podnijeti zahtjev za izmjenom dozvole, odmah po nastanku novih okolnosti.

Ova okolinska dozvola je neprenosiva i vezana isključivo za pravno lice na čije ime je izdata. Prava i obaveze iz dozvole ne mogu se prenositi na druga pravna ili fizička lica, osim ako nadležni organ u posebnom postupku odluči drugačije u skladu sa Zakonom o zaštiti okoliša.

O B R A Z L O Ž E N J E

Podnosilac zahtjeva „Atlantic Argeta“ d.o.o. Sarajevo podnijelo je Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo dana 02.04.2026. godine zahtjev za izdavanje okolinske dozvole za tvornicu za proizvodnju, preradu i konzerviranje mesa, peradi i ribe, instaliranog godišnjeg kapaciteta proizvodnje 81,6 t/dan, koja se nalazi na zemljištu označenom kao k.č. broj 910/3 K.O. Binježevo i k.č. broj 10/3 K.O. Donji Hadžići, u ul. Patriotske lige 73, Općina Hadžići. Uz zahtjev za okolinsku dozvolu je dostavljena i slijedeća dokumentacija:

1. Popunjeni obrazac;
2. Netehnički rezime;
3. Plan upravljanja otpadom prema odredbama Zakona o upravljanju otpadom;
4. Pravosnažno rješenje - vodna dozvola, broj: 07-05-21-5870/22 od 01.09.2022. godine izdato od Ministarstva privrede Kantona Sarajevo;
5. Zemljišnoknjižni izvadak broj: 065-0-NAR-26-001 353, KO Donji Hadžići od 09.01.2026. godine izdat od Općinskog suda u Sarajevu;
6. Kopija katastarskog plana UR broj: 05-26-2-14455/2025-5 od 22.12.2025. godine izdata od Općine Hadžići;
7. Ortofoto snimak;
8. Tlocrt pogona s ucrtanim mjestima emisija;



9. Dijagram toka;
10. Pravosnažno rješenje - okolinska dozvola, broj: 05-19-12085/20 VI od 13.04.2021. godine izdato od Ministarstva komunalne privrede, infrastrukture, prostornog uređenja, građenja i zaštite okoliša;
11. Standardi, certifikati i interno praćenje stanja okoliša;
12. Izvještaj o monitoringu kvaliteta i kvantiteta otpadnih voda, broj: 2581/25 decembar 2025. godina izrađen od strane firme „Inspekt RGH“ d.o.o. Sarajevo;
13. Izvještaj o mjerenju emisije zagađujućih materija u zrak, broj: 158/25 od 17.03.2025. godine izrađen od strane firme „Inspekt RGH“ d.o.o. Sarajevo;
14. Ugovori s operaterima otpada:
 - KJKP „RAD“ d.o.o. Sarajevo – za zbrinjavanje miješanog komunalnog otpada i dijela čvrstog organskog otpada na gradsku deponiju,
 - Gold MG d.o.o. Donji Žabar – za energetske oporabu čvrstog organskog otpada (mljevene kosti) u bioplinom postrojenju,
 - Kemeko-BH d.o.o. Lukavac – za sakupljanje i zbrinjavanje svih vrsta opasnog otpada (ulja, ambalaža, kemikalije, neonke),
 - EKO-FORMA d.o.o. Bugojno / Aida Commerce d.o.o. Sarajevo / Zizi d.o.o. Travnik – za preuzimanje i reciklažu selektiranih sirovina (papir, karton, najlon, metal, drvo),
 - Delta Petrol d.o.o. Kakanj – za čišćenje separatora i zbrinjavanje tekućeg organskog otpada (flotat) te muljeva s prečištača,
 - Eko-forma d.o.o. Sarajevo – operater sustava za upravljanje ambalažom i ambalažnim otpadom.

Uvidom u dostavljenu dokumentaciju, utvrđeno je da nedostaje Zaključak od „Agencije za vodno područje rijeke Save“ Sarajevo, broj: UP-I/25-3-40-166-4/18 od 07.06.2018. godine kojim se utvrđuje da nema aktivnosti za koje je propisano izdavanje vodnih akata te je zatraženo od podnosioca zahtjeva da se isti dostavi i provjere i usklade podaci iz Zahtjeva sa stvarnim (projektovanim) količinama dnevne proizvodnje.

Kako se postupak vodi za obnovu okolinske dozvole, radi utvrđivanja poštovanja uslova i propisanih mjera iz prethodne okolinske dozvole na terenu, Ministarstvo se 15.04.2026. godine obratilo Kantonalnoj upravi za inspekcije poslove (KUIP) za dostavu izvještaja nakon provedenih inspeksijskih nadzora za 2024/25 godinu. KUIP je je dana 28.05.2026. godine dostavio informaciju o izvršenom inspeksijskom nadzoru u „Atlantic Argeta“ d.o.o. Sarajevo (akt br. 14-06-19.2-02351/26) u kojem se navodi da se sve propisane mjere u pogonu provode uredno, kao i izvještavanja propisana tačkom 8. okolinske dozvole broj 05-19-12085/20 VI od 13.04.2021. godine.

U toku postupka 28.04.2026. godine Ministarstvo se obratilo „Agenciji za vodno područje rijeke Save“ Sarajevo za informaciju i pojašnjenje na osnovu kojih odredbi Zakona o vodama Federacije BiH je donešen Zaključak kojim se utvrđuje da operater „Atlantic Argeta“ d.o.o. Sarajevo nije obveznik ishodovanja vodnog akta za ispuštanje tehnološko otpadnih voda. Dana 21.05.2026. godine

je dostavljena informacija (akt br. 40-792-2/26) i pojašnjenje Agencije da je Zaključak izdat na osnovu člana 110. stav (3) Zakona o vodama Federacije BiH, te se daje saglasnost za priključenje tehnološko otpadnih voda iz proizvodnog objekta uz uslov obaveznog predtretmana otpadnih voda, kao i uslov da kvalitet otpadnih voda ne smije prelaziti propisane granične vrijednosti parametara iz Uredbe o uslovima ispuštanja otpadnih voda u okoliš i sisteme javne kanalizacije. Takođe, u pojašnjenju se navodi da je podnosilac zahtjeva „Atlantic Argeta“ d.o.o Sarajevo obezbjedio saglasnost za priključak na javni kanalizacioni sistem od JKP „Komunalac“ d.o.o. Hadžići i da u ovom slučaju uslove za ispuštanje otpadnih voda iz objekta propisuje operater kanalizacionog sistema.

„Atlantic Argeta“ d.o.o. Sarajevo je dana 13.05.2026. godine dostavio traženi Zaključak Agencije i pojašnjenje/korekciju u vezi sa instaliranim kapacitetom pogona (akt br. I26-00336 od 07.05.2026. godine). Kao dopunu zahtjeva (akt br. I26-00386 od 20.05.2026. godine) podnosilac zahtjeva je dana 22.05.2026. godine naknadno dostavio informaciju da su početkom 2026. godine izgradili i ishodovali upotrebnu dozvolu za dodatni objekat (poslovno skladište-hladnjaču) koja nije bila navedena u prvobitnom zahtjevu i za istu su dostavili upotrebnu dozvolu broj: 07-19-2-307/2026 od 11.03.2026. godine izdatu od Općine Hadžići.

Na osnovu svega navedenog 03.06.2026. godine zatražena je druga dopuna zahtjeva. Dana 15.07.2026. godine dostavljena je slijedeća dokumentacija:

- Dopunjen i korigovan Zahtjev;
- Dopunjen i korigovan Plan upravljanja otpadom;
- Izjavu kojom se potvrđuje da su svi podaci u zahtjevu za izdavanje okolinske dozvole istiniti, tačni i potpuni (Prilog V);
- Popis zagađujućih supstanci (Prilog IV).

U cilju utvrđivanja trenutnog stanja na terenu i usporedbe sa stanjem u vrijeme izdavanja okolinske dozvole broj: 05-19-12085/20 VI od 13.04.2021. godine, voditeljica postupka je dana 10.07.2026. godine izvršila obilazak tvornice. Tom prilikom je sačinjen zapisnik o uviđaju br. 05.03/2-19-4827/26-12 te je utvrđeno slijedeće:

Operator preduzima mjere zaštite okoliša propisane okolinskom dozvolom. Uredno se vrši monitoring emisija u zrak i o tome izvještava ovo Ministarstvo, te monitoring kvaliteta tehnoloških otpadnih voda. Izvještaji o emisijama zagađujućih emisija u zrak iz 2025. godine pokazuju da su izmjerene vrijednosti zagađujućih materija ispod graničnih vrijednosti propisanih Pravilnikom o graničnim vrijednostima emisije u zrak iz postrojenja za sagorijevanje („Službene novine Federacije BiH“, br. 3/13 i 92/17). Izvještaji o analizi uzorka otpadne vode iz decembra 2025. godine pokazuju, da su vrijednosti ispitivanih parametara iznad graničnih vrijednosti propisanih Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, br. 26/20 i 96/20). O istom izvještavaju „Agenciju za vodno područje rijeke Save“ Sarajevo.

Otpadom se upravlja u skladu sa Planom upravljanja otpadom i za sve kategorije otpada operator ima sklopljene ugovore sa ovlaštenim firmama o preuzimanju i daljem tretmanu.

Uredno se vrši unos podataka u elektronski Registar o postrojenjima i zagađivanjima (BH PRTR) Federalnog ministarstva okoliša i turizma.

Nakon pregleda dopunjene dokumentacije, utvrđeno je, da je zahtjev za okolinsku dozvolu precizan, potpun, te da je podnesen u skladu sa odredbama čl. 86. Zakona o zaštiti okoliša Federacije BiH („Službene novine Federacije BiH“, br.15/21).

U cilju osiguranja učešća javnosti u postupku poduzete su slijedeće radnje:

Objavom na internet stranici Ministarstva komunalne privrede, infrastrukture, prostornog uređenja, građenja i zaštite okoliša od 27.07.2026. godine, objavom u dnevnom listu „Dnevni avaz“ od 27.07.2026. godine javnost je informisana o podnesenom zahtjevu za izdavanje okolinske dozvole. U istoj obavijesti navedeno je da se javni uvid u Zahtjev za izdavanje rješenja o okolinskoj dozvoli može izvršiti na internet stranici nadležnog Ministarstva i dostaviti mišljenje u roku od 30 dana od dana objave Poziva. Primjedbe, informacije, analize ili mišljenja na predmetnu dokumentaciju su se mogle dostaviti na adresu Ministarstva (Reisa Džemaludina Čauševića 1, 71 000 Sarajevo) ili elektronskim putem. U zakonskom roku od 30 dana nisu zaprimljene primjedbe i sugestije na objavljeni zahtjev.

U skladu sa Zakonom o zaštiti okoliša („Službene novine Federacije BiH“, broj 15/21) i članom 88. stav (5) objavljen je nacrt Rješenja o izdavanju okolinske dozvole za postojeću tvornicu za proizvodnju, preradu i konzerviranje mesa peradi i ribe, instaliranog godišnjeg kapaciteta proizvodnje 81,6 t/dan – na internet stranici nadležnog Ministarstva dana 02.09.2026. godine gdje se daje javnosti rok od 8 dana za dostavu primjedbi, sugestija i komentara.

Nakon isteka zakonskog roka od 8 dana za dostavu primjedbi na nacrt rješenja o okolinskoj dozvoli, nisu zaprimljene primjedbe, sugestije niti komentari na isti od strane zainteresovane javnosti.

Imajući u vidu gore navedeno, ovo Ministarstvo je utvrdilo da su ispunjeni uslovi iz čl. 86. Zakona o zaštiti okoliša Federacije BiH („Službene novine Federacije BiH“, broj 15/21), te je u skladu sa članom 200. Zakona o upravnom postupku, uz propisivanje mjera zaštite okoliša i zdravlja ljudi, odlučeno kao u dispozitivu ovog Rješenja.

Taksa za Rješenje o izdavanju okolinske dozvole se taksira sa 50,00 KM administrativne takse po tarifnom broju 28. tačka 5. član 19. Zakona o administrativnim taksama („Službene novine Kantona Sarajevo“, br. 30/01-prečišćeni tekst, 22/02, 10/05, 26/08 i 23/16), do pravosnažnosti ovog rješenja.

Protiv ovog Rješenja, može se izjaviti žalba Federalnom ministarstvu okoliša i turizma u roku od 15 dana, od dana dostavljanja Rješenja.

Žalba se predaje putem ovog ministarstva i to neposredno ili se šalje poštom. Žalba se taksira sa 6 KM administrativne takse po tarifnom broju 3. člana 19. Zakona o administrativnim taksama („Službene novine Kantona Sarajevo“, br. 30/01-prečišćeni tekst, 22/02, 10/05, 26/08 i 23/16).

MINISTAR

Mladen Pandurević



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba

Dostaviti:

- „Atlantic Argeta“ d.o.o., ul. Patriotske lige 73, Hadžići
- Kantonalna uprava za inspekcijske poslove- Inspektorat urbanističko-građevinske, stambene i ekološke inspekcije, ul. Aleja Bosne Srebrene bb., Sarajevo
- Općina Hadžići, Hadželi 114, Hadžići 71240
- Evidencija
- a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba